

北京大學日刊

●本校告白

本校體育會諸君鑒頃准北京高等師範學校函稱華北運動會本年大會開已定期五月十七八日在保定舉行凡我在京中學以上各校亟應先事預備本校擬聯絡各校預開聯合運動會一次以資觀摩素仰貴校注重體育諒必贊成如承允許即希賜覆以便訂期籌商一切等因查本校體育會久已成立如各會員中有願與會者務逕赴高師體育部接洽可也

▲本校告白

學生諸君公鑒本校頃接前補習班學生高克儉家屬來函謂高君字穎虹前曾與同學辦貫言雜誌常投稿件今高君身故託本校代覓遺稿以作其家之紀念品云云諸君如有高君貫言雜誌稿件請即日送至文牘處為幸

●學術講演會啟事

本會於三月三十一日(星期日)仍在下列各處講演列表如左幸聽諸君注意

講演科目	講演者	地點	點	日期	時間	講演次數
墨翟哲學	胡適	西城手帕胡同教	育部會場	三月三十一日	上午九時至十一時	第二次
天文學	高魯	琉璃廠北京高等	師範	三月三十一日	上午九時至十一時	第三次
電學	張大椿	馬神廟北京大學		三月三十一日	上午九時至十一時	第一次

●本校告白

本校擬請梅殿華先生教授英文速記學凡通英文之學生如願習速記可于本月三十日以前在文科教務處報名報名人數滿二十人方行開班此布

中華郵政特准掛號認爲新聞紙類

第一零二號
除星期日外
每日出版
附張兩張

編輯部
經理部
報資及
告白費

北京後門內景山東街(馬神廟)北京大學內
電話東局一千零七十二號
每份銅元兩枚每月本京三角外省四角五分郵票不收
廣告用四號字七日以內每字八厘一月以內五厘長期面
訂五十字起算封面中縫加倍

本校布告一

▲周象賢先生演講之衛生學暫行停止
現因各科停課致試周象賢先生自今日起停止講授衛生學兩星期俟過春假開課後再行定期續講特此通告

▲文科布告

本科二年級國文門錢教員所授文字學

▲法科研究所布告

經濟門研究所貧民經濟一科現改爲農業政策仍由張國藥先生担任每月會集兩次歐戰後世界經濟之變遷一科集會時間亦略有變更均詳左表特此布告
法科研究所研究時間表

學科	担任教員	集次數	一月中會集	一月中第幾星期	星期幾	會集時間	備考
歐戰後世界經濟之變遷	武四	每星期一次	五	下午一時至二時	一所以定時間如與研究員有妨礙時得更易之		
農業政策	武二	三一	五	下午二時至三時	二兩科任一人擇取其一人同時研究亦可		

▲法科研究所公函 致彭德修函

逕啓者頃奉校長批示准執事爲法科通訊研究員茲寄上通訊研究辦法一紙希查收遵照爲要此頌學祺附通訊研究辦法一紙

▲學生儲蓄銀行通告第十二號

本行營業時間自本日起改至午後二時半止特此通告

第十三號

日來同學以中交鈔票來行存款者甚多本行以該票漲落不定特規定中交票存款辦法條列於左

中交票存款暫訂辦法

一凡以中國或交通銀行鈔票來行存款者本行存單存摺上均書明中交鈔票存戶字樣利息亦按票價合算

一凡存活期存款取款時當於三日前來行通知定期存款不在此限

一凡以中國或交通鈔票來行折合現洋存款者以後即憑現洋計算

第十四號

本行改訂放款利率如左

各項保證借款月息一分五厘

抵押借款月息一分二釐

以上所規定者自民國七年三月二十七

日實行

▲書法研究社通告

本社成立以來報名者已達百數十人今為研究便利起見自登日刊之日起報名暫行截止同學諸君原諒為荷

本校紀事

▲國文研究所小說科第四次會

記錄

(續)

周先生云「人于小說之嗜好因其年歲為異十五前後多好長篇鉅製在西洋則如 Dickens Scott 在中國則如水滸紅樓夢極為幼年人所歡迎將及二十漸厭長篇愛短篇矣」又云「外國小說注重 Plot 中國小說不然」

胡先生云「中國小說太不講究體裁如恨海諸書以受外國小說感化尙能有 Plot 之觀念他若官場現形記孽海花廣陵潮留東外史之類無始無終儘可延長萬年也又此種書籍人物太多又乏主腦頗不成系統水滸傳儒林外史曷嘗不記多人然水滸傳以武松魯智深諸人為主儒林外史以虞博士杜長卿馬二先生為主未嘗全無分別不似近出版之小說不講體裁也

胡先生周先生與研究生間談小說二十分鐘遂散會

▲化學教授會第二次開會紀事

三月二十三日

是日到會者為王秉善王星拱虞錫麟丁

緒賢郭世綰俞同奎六人

議決之事如下

(一)議決本科課程節略表

(二)議決化學科三年級所授之應用化學應選擇應用化學書數種教授俾更詳盡毋須教授各種應用化學之大概

(三)議決預科化學課程節略表

(四)議決下學年預科舊班第三年生之功課仍照舊

(五)議決本科及預科入學試驗之程度

△哲學研究所老莊哲學演講錄

哲學門趙健筆記

會期三月十六日及二十三日

到會者劉少珊先生及研究員九人

劉先生演講云中國學術以哲學最有價值中國哲學以周秦諸子最有價值漢以後君主專制政體學術思想亦受專制而哲學少衰訓詁詞章制藝獨盛蓋受專制之影響也學問須求心得幸毋事於耳口之學荀子云耳口之間幾四寸耳曷足

美七尺之軀哉訓詁諸學大抵耳口之學為多是非哲學者之所宜哲學者愛知之學也今吾既與諸君從事於老莊哲學願與諸君共勉之

吾人今日研究中國之學術思想首宜辨

別哲學與倫理而分類明白蓋哲學之目的在於求真倫理學之目的在於求善例

如父母死而子不哭泣是違倫理在哲學則情感貴真疾於作偽莊子云黃帝治天

下民有其親死不哭而民不以爲非也如不欲哭泣而令哭泣是違真情矣中國學

術思想於倫理與哲理之槩念一向籠統不明殊不知倫理者乃爲人類社會共求

安寧秩序因而制禮以維持之禮即不成文之法律故曰禮法然禮法出於人爲荀

子正名篇曰爲偽也吾人今固當守禮法然若以禮法爲真理則大不然此哲理

倫理之分別處中國哲學思想之不發達即因二者含混不清學者儒生每將倫

理學以自縛其哲學之故也漢以後哲學所以無足觀者漢武獨崇儒術排斥百家

國家專制學術思想偏揚倫理學而抑哲理學稽阮諸人皆受社會之排斥受禍即

此理由蓋哲學最宜於人生而不宜於君主因君主固屬人爲的偽物推而言即國

家其物亦屬政治倫理一時之假定物而皆非真理吾人現在所以認其不能不作

偽者乃以維持人類世界之秩序生活之故不得已也昔孔子知常人不解哲理故

立倫理以教人非不知其作偽知之而不

寄宿者有賓至如歸之樂茲已次第組編(一)距本校與法科俱近而地點適中者一處(翠花胡同五號)特此奉佈餘見簡章(志諸近者一處)南灣子胡同底官豆腐房(一)距本校與法科俱近而地點適中者一處(翠花胡同五號)特此奉佈餘見簡章(志諸十賜垂察

言蓋大智慧耳子貢曰夫子之言性與天道不可得而聞也是孔子能知哲學之明證故周秦諸子皆稱孔子是以今日言哲學當超各種形而上學而言也

周秦諸子思想最自由其大部在于哲學而與倫理之界限亦多明晰雖如韓非等書或者謂非哲學而大抵于哲學為多故日本學者將周秦諸子盡入哲學諸子惟藝文志道家一流為中國最純粹之哲學

老莊道家流也故其哲學亦最純粹班志列道家于九流之首非無謂也竊常考之如老子六親不和利有孝子國家昏亂有忠臣是不合倫理學又如天地不仁以萬物為芻狗聖人不仁以百姓為芻狗是不合政治學凡此皆純粹之哲學也說之者不得其解或以老子為神仙或謂老子乃講道德者均不足據而道教又附會其說以老子為教祖益違老子哲學之真夫道教與道家不同道教始於後漢張道陵張魯等所創立原道教之興乃由于佛教自漢明帝時入中國荒謬之徒思立一教以抵制之乃有道教故其教義多剽竊佛家之學而又附會老莊者也

今吾與諸君研究者為老莊哲學今且先言老子研究老子之哲學最不可以古注為憑以古註不下數百家悉根本誤謬不足據也余著新解老以哲學之眼光評判之與古注不同可供參考世之言老學者或作倫理學解或作政治學解不通者則牽強解之甚而以老子說宇宙之原理為哲理豈非大謬吾今與諸君研究老子哲學於五千言一書之前當先研明者三節請就平日所見分別說明之

(一)老子(即老子其人)

(二)老子之學說與中國全體學術思想界之影響

(三)老子書之歷史

老子

老子事實古來諸書記載頗雜要必以史記為近然亦未必處處可信史記老子列傳云老子者楚苦縣厲鄉曲仁里人也姓李名耳字伯陽諡曰聃周之藏史也蓋為實錄周藏史即柱下吏蓋今圖書館長之類周官世襲老子之先必有祿位左傳定公四年武王之母弟八人周公為太宰康叔為司寇聃季為司空五叔無官余疑老子為聃季之後季字或訛為李例如魯成季之後而為季氏是也

家語老子送孔子曰吾常竊仁人之號仁人非仁德之人蓋一職司也仁從二人蓋

為上古原人社會推之以評判爭端者大抵如今之慈善家而兼仲裁人之性質故後引申為仁德仁政之仁猶賢字從貝古代本稱多財之人初非賢德之賢也老子為藏史博覽羣書而為當時社會推重信賴故惟為仁人則老子之為人實當周末社會最尊重之官吏縉紳先生非神仙亦非隱逸也

史記列傳多疑詞如云蓋老子百有六十歲或言二百餘歲恐古今無此長壽之人但可知老子非必非天年者耳至如仙家之說昔人有云老子歷夏商周而各異其名者更不足信老子之死見于莊子老子死秦佚弔之三號而出是老子固已死也

他校紀事

教育部選送師範學生入香港大學

大學

香港大學辦理完善此次教育部擬在北京武昌南京四川各高等師範學校內選成績優異之學生二十名送入該校師範科肄業以資深造已定于七月二十日以前令被選學生到部覆試及格後即發給

學費(每年六百元)前往該校肄業云云

▲售品所之設立

高等師範為改良社會用具起見曾于廠甸廟會期間出售工作部各科及附屬學校之手工成績擬以售出之各品徵社會之需要依社會之心理為改良之根據並聞出品甚踴躍高師附中及附小三校共計有五千四百三十五件之多

本校瑣聞

▲夏安倫等請續領津貼未准

預科鄂生夏安倫等欲將來畢業報入北洋大學工科後續領原有津貼據情函請校長轉咨該省現該省已有回文到校謂北洋大學工科係京外學校與通案未符碍難照准云云

▲崔學曾等請重行分配津貼未准

鄂籍新生崔學曾等函請校長轉咨該省請求下期津貼餘款重行分配現該省以為津貼早經支配就緒現已無法挽回且所列舉周余高張等人之例均屬非是周余二人之名冊送在上次來文以前高張二人則竟無有故仍照前案辦理不允所請

文藝

中國歷代大學學制述 (續)

文科教授陳漢章

述六曰。南北朝學制。互爲異同。南朝自晉末。博士增爲十六人。不復分掌五經。但稱太常博士。經學家法盡失。宋文帝元嘉十五年。不日經學。而曰儒學。如豫章雷次宗。開館鷄籠山。又使丹陽尹何尚之立玄學。太子率更令何承天立史學。司徒參軍謝元立文學。於是學科有四。後立國子學。而四學仍舊。至明泰始六年。改置總明觀。亦曰東觀。分儒玄文史四科。科置學士十人。齊高帝建元四年。詔立國學。旋以國諱廢之。武帝永明三年。又詔立國學。省去總明觀。開學士館于王儉宅。儉以宰相。領國子祭酒。少好禮學。尤善春秋。發言吐論。造次必於儒教。衣冠翕然。并尚經學。時國學立王氏易。陸澄與書。請置鄭易博士。謂衆經皆儒。惟易獨立。玄不可棄。儒不可缺。論答書從之。(見南齊書本傳)是儒玄二學并存之証。然儉卒即罷。故南史云。兩漢登賢。咸資經術。洎魏正始以後。更尚玄虛。公卿士庶。罕通經業。自是山原橫潰。衣冠道盡。逮江左草創。日不暇給。以迄宋齊。國學時

或開置而勸課。未博建之不能。十年蓋取文具而已。至梁武創業。深愍其弊。天監四年。乃詔開五館。建立國學。總以五經教授。博士各主一館。館有數百生。給其廩廩七年。親釋奠于先師先聖。及陳天嘉以後。稍置學官。雖博延生徒。成業蓋寡。案王伯厚崇儒攷云。梁天監四年。初立孔子廟。是爲唐詔國子學立廟之始。然梁武心實尚佛。其崇儒亦不過文具。獨有所置國子律博士。爲唐宋律學所因耳。北朝魏道武帝初定中原。即於平城立太學。置五經博士。生員千餘人。後仿晉制。增置國子學。明元帝改國子爲中書學。孝文帝又改中書爲國子。別開皇子之學。建辟廱。及遷洛陽。立國子學及太學外。更立四門學。爲唐制所因。劉芳表云。太和二十年。立四門博士。於四門置學。按禮記曰。天子設四學。鄭注。四郊之虞庠也。今以其遠。故置于四門。請移與太學同處。章案劉芳此言。實非鄭義。蔡謨明堂論曰。王居明堂之禮。又別陰陽門。南門稱門。西門稱闕。故周官有門闕之學。師氏教以三德。守王門。保氏教以六藝。守王闕。師氏居東門。南門。保氏居西門。北門。掌教國子。爲四學焉。然則四門之名。本出蔡謨。鄭無此義也。(未完)

▲味蔗書屋割記 (續)

文科哲學門康白情

酩酊醉徒動輒誤記其一原因即筋覺與肉體活動之失滅因而連系於此之記憶泰半駭削此實可點醒者也

夢之涵有不可喻解之義者易成朕兆且往往屬於預言之性質此其成立之方均也之二者常銘融於一鑑而求証之難於焉以起因其朕兆紛糅直非事蹟顯應之後無可解釋而事蹟顯應之後又失其作証之價值也紀夢諸書附爲圓解之語殆無補於實際蓋其朕兆皆爲夢者所私有而亦所以點繪其一己之意影也爲錄夢話一則以見預兆伏藏於夢之例

阿痕夢於一室侍其從姊碧之疾俄而覺有園白裙之醫者在焉一驚愕問醫者已化爲碧之夫婿方且代彼而服伺守之勞於是豁然頓醒蓋是時碧夫方將不利於碧而阿痕正謀所以免脫之也次日碧已爲其夫之謬行而罹不虞之厄矣

更有一夢非預言亦非朕兆然其率尤當興人玩味有足多者

阿琪夢居於一素昧平生之旅舍內室中鋪設麗都應有盡有絕不覺其入夢也旋因欲下樓故啓關逕出則迎面一獅方當

拾級而登惟彼旋知其爲夢幻之獅也叱之如叱雞犬焉於是獅隱而夢覺(未完)

▲亞拉伯人民寫真記 (續)

美國惠亭原著工科譚伯英譯

(三十) 龍女

阿太(鎖羅門花園所在地)農民告余一史事曰近隣有某甲每日必喂鯨魚麵包數塊長此以往其善心爲天所知寄語該民曰汝心慈善當有相當酬報但富貴人可求可得而我之禮物爲人所罕聞即使汝了解獸之言語也該民聞之喜形於色受此禮後牽其牛而回忽一驢謂牛曰君欲偷閑僅有不食一法主人見之以君生病不使君工作也

該民聞之不禁捧腹乃妻詢以故而彼不答一詞次日報復此狡驢奸計牽之出耕晚歸牛問驢曰君何樂作工之切也驢假裝不倦自覺尙有餘勇可鼓僅答牛曰君再不能不食否則主人以汝無用而殺汝矣

(未完)

申明

昨日刊本校紀事欄內國文研究所小說科第四次會記錄內Nallad及Ballad誤爲Nallace及Ballace特此申明

PEKIN-UNIVERSITATO

Chiutaga Gazeto

北京大學日刊第二張

Red. & Adm.:

„Pekin-Universitato,”

The Government University,

Peking, China.

Prezo:

1 numere 2 c

1 monate { en Pekino 80 c
 en aliaurbo 45 c

P.m. ne akceptata.

本校布告二

理科大學月刊擬題二 夏元璪

21. 結晶物理學所用之數學

參攷書 w. Volgt, Lehrbuch der kristallphysik,
Leipzig, 1910.

22. 原生

參攷書 J. Loeb, Organism as a whole, New
York, 1916.

23. 人果可不死乎

參攷書 同上

24. 論屍體腐敗之由

參攷書 Journal of Hygiene, 1917.

25. 論遺傳

26. 變分學 (Calculus of Variations) 略史

27. 微積分學之所以異於「初等數學」者何在

28. Reversible and Irreversible process.

29. Minkowski 之電力學方程式

30. 地形論

31. Principle of least Action.

32. 雙曲線函數

33. 論靈魂與肉體不能分爲二物

參攷書 M. Verwam Mechanik des Lebens,
Leipzig.

34. 論各種科學均互相關連

35. 論 Prime Numbers 之分配

36. Mengenlehre 大意

37. 讀疇人傳

38. 論 Integrals of Lebesgue. 及積分學之革新

參考書 Bulletin of the American Mathematical Society, Oct. 1917.

39. 天體進化論

40. 密碼法

參考書 W. W. R. Ball, Mathematical Recreations and Essays, London, 1911

圖書館布告

本館本日新到雜誌如下

陶孟和先生捐贈

The Nation (Vol. 22 No. 16)

雜 錄

燃料概說 (紀)

本校王講師星拱在學術講演會講演

煤與鐵之關係 鐵器之用途日廣則鐵之產出日多達
今世界每年產出之鐵約已達二十兆噸然鑄鐵爲鐵鋼
鐵爲鋼皆須用燃料而以鑄鐵爐所用者爲尤多每噸鐵
之出爐須用一噸煤焦每 煤焦之製造須用一。三噸
煤爲原料天然則每年鐵場所用之煤奚翅三十兆噸故
鐵與煤之關係甚密五十年前鐵場煤礦各自爲政煤鐵
自製煤焦售與鐵場其製煤焦所產出之浮躁物質皆付
之一炬而無餘鐵場買得煤焦以供鑄鐵爐之用而鑄鐵
爐中之鑄氣亦不設法採取於出爐時一概燒之至場中
所用之機器則另購生煤以生能力故耗費甚多而鐵之
成本甚鉅近世業鋼鐵者計算益精與煤鐵聯爲一致煤
焦由鐵場自製而場中各部又能互相補助用使入場之燃
料無絲毫之濫費而成本遂輕凡此燃料之節省皆能利
用氣體燃料之功也

以以上二表較之可知新鐵鋼場之組織較舊者繁密而

完備有一鐵場每日出二千四百噸模鐵者自改用新法後每日多得百磅新法之利益於此可見其梗概矣

木炭

木中含水甚多有儲藏之水有組織之水雖經空氣烘乾終不能除其組織之水即就乾木而言其中仍有百分之五十為組織之水若用毀壞蒸溜法分之得炭百分之二十五得皮羅酸（八十一為水四為木酒精八為醋酸七為木黑油）百分之五十得氣體燃料百分之二十五木炭為皮羅酸場之旁產物瑞典鍊鋼猶用之

煤焦

煤焦為鐵場及其他冶金場必須之物故其製法日精以其最新者言之則以煤置之炕中（炕數約五十為一排）外熱以火使其浮躁物質上騰至三十小時後將炕中所騰者推出殺之以水即煤焦也至其浮躁物質中之黑油則以凝結筴凝為液體以池貯之納夫達林則以水塔凝為固體亞摩尼亞氣則以硫酸收之煤氣則半用之於本炕之烘燒半用之於機器室之燃炬凡此皆煤焦炕之旁產物也自歐戰發生以後歐洲煤焦炕所出之黑油皆消耗於火藥場中不能用之以製造顏料故顏料價為之頓昂美國乘此時機製造火藥售與歐洲自千九十四年秋至千九十七年春美國之煤焦炕已增至四十九區之多將來戰事了結之後凡煤焦炕產出之黑油今日用之以製造火藥者彼時皆將用之以製造顏料故戰後顏料之價必低落也

煤焦之用以鑄鐵鑪及他項冶金鑪為大宗必中空而有抗力中空則鑪中氣體之穿行無阻有抗力則鑪中鐵鑪之壓力可當此種煤焦多由場中自製若煤氣場中旁產之煤焦多供家常鑪之用煤焦燃炬之時火性甚烈惟起火較難耳

方塊煤（或名磚煤或名專利燃料）

方塊煤者用煤膠（阿司發膠）黏合碎煤而成碎煤不便搬運復不便於各種鑪竈之用黏成方塊可除以上各弊亦變無用為有用之一法也（未完）

本校圖書館改良葛議（續）

法科經濟門周君南

(2) 室內設備 冬季嚴寒讀書最苦館中暖器一室雖設三爐而聽差侵漁常僅火升二處煤量不足寒氣難除晉館移時即覺足痛如刺又館址南向前後

被曝夏秋酷暑薰蒸難堪一近日中即須出館此此時開館時間所宜為提早者也今欲力矯前弊則冬季宜加設火爐以增溫度夏秋宜裝置冰桶電扇以暢神經衛生攸關費所難惜

(3) 室外設備 室內之設備雖完室外更宜多植花木蒨葱綺麗風細聞香淺笑輕颺令人神往窮思久誦之餘復得此怡悅性情之具則休息之頃神志暢然妄念消除腦力完復而微奧難通之理或反能迪悟貫會其間內外設備之改良固未可須臾緩也

(4) 門窗改良

甲門 館中出入僅由一門擁擠喧闐自難以免且門係舊式開闔閉然偶有深思輟為所擾今宜沿館之南面多闢數門門框闊度須略增加且可做郵局銀行大門之式啓閉以機兩扉接處無相緊貼開闔既便聲息亦無改革之端此其首部

乙窗 館中開窗多在上部欲為啓閉升降為難而中文書室無一活窗一至冬間盡為封閉空氣溷濁聞者頭暈今宜將各處上下之窗盡為開闔以便隨時啓閉夏秋則窗外更宜懸簾以障烈日此事雖小而關於衛生者實大（未完）

集會一覽表

三月廿七日——三月廿九日

注意 如有錯誤遺漏請通知本日刊編輯部

會期	時間	召集者	會所	摘要
三月廿七日	下午二時至三時半	英文研究所	研究所	辜鴻銘先生演講詩
三月廿七日	下午二時至三時	國文研究所	研究所	陳伯弢先生演講訓
三月廿七日	下午四時半	校長	校長室	開校役夜班教員會
三月廿七日	下午三時半至四時半	哲學研究所	研究所	胡適先生演講中國名學
三月廿八日	下午七時半	書法研究會	理科第一教室	舉行始業式
三月廿八日	上午十時半至十二時半	經濟門研究所	研究所	胡鈞先生講演財政學
三月廿八日	下午三時半至四時半	音樂會	華美會所	吳安教授唱曲
三月廿八日	下午八時	靜坐會	法科大講堂	蔣竹莊先生講演靜法
三月廿九日	下午四時至五時	國文研究所	研究所	劉復先生演講中國之小說
三月廿九日	上午一時至二時半	英文研究所	研究所	威爾遜先生講演十九世紀散文
三月廿九日	下午二時半至三時半	英文研究所	研究所	威爾遜先生講演戲曲
三月廿九日	下午三時至五時	法律門研究所	法典編查會	王龍惠先生演講比較法律
三月廿九日	下午三時半至四時半	經濟門研究所	研究所	馬寅初先生講演銀行貨幣
三月廿九日	下午七時	哲學會	文科第一教室	張克誠先生講演八識規矩